

十朝东华录

咸丰朝

第九卷
第九册

咸豐東華續錄十九

臣王先謙敬編 臣陶澐宣恭校

咸豐三年癸丑春正月丙午朔 上御太和殿受朝作樂宣表如儀禮成御乾清宮賜近支親藩等宴每歲皆如之○戊申諭內閣張亮基奏剿辦土匪情形一摺據稱瀏陽縣土匪有徵義堂名目其初原爲保衛身家並無異志後因附和日多長莠不一遂致把持官吏藐不畏法本年七月始有糾眾搶掠之事經該撫委令通判裕麟委員孔昭文武舉諸殷元前往訪查復密飭陝西即補知府江忠源於剿辦土匪晏仲武之便馳往曉諭並相機辦理該匪等膽敢糾眾分路來撲江忠源亦分路出擊並於唐家洲設伏該匪遇伏失措猶恃眾抗拒勇目何正杭爭先陷陣各勇短兵相接領上之勇亦乘勢壓下武生艾國興立斬叛旗匪目三名其撲城之匪亦經千總李輔朝擊敗共傷斃賊匪三百餘人生擒五十三名割取首級一百十八顆奪獲軍械甚多見仍各行總兵經文岱督帶兵勇防其竄路又札飭各團協力兜剿並諭該處良民能擒獻匪首者立予重賞當不難解散黨與以淨根株又據奏稱攸縣遊匪黃杰高等受逆匪偽札煽聚七百餘人經該縣知縣郭世閫把總王佐清統帶兵勇先將該匪謝友百曾念齊父子巢穴燒毀武生譚國昌等堵賊竄路賀家訓等分伏左右鄉勇陳傳芳前往誘賊該匪被誘入伏王佐清首先陷陣手刃十餘人兵勇奮擊立將匪首黃杰高斬首伏兵並發斃斃偽司馬總鎮總旗三人並匪首劉起受等計殲擒一百七十餘人奪獲軍械無算見仍飭委員張榮組帶兵馳往剿辦自無難盡數殲獲其郴州桂東縣等處有江西匪徒闖入辰州府洪江一帶亦有匪徒蹤迹並飭令各鎮營調撥兵勇迅速掩捕無再養癰貽患至各鄉團練原以保衛身家如果得公正紳民立法盡善不特鄉閭平日賴以安輯一旦有事並可協助官兵剿除匪類即如長沙城外賊匪竄逐之時白簪鋪一帶鄉團居民均能殺賊出力是其明效若但名爲團練不能稽查約束以致奸匪潛迹其中恃眾抗官是不但無益於事且爲地方之害必應嚴加懲辦使匪徒知儆若一味消弭勢必釀成巨患朕思除莠即以安良卽有會匪地方亦莠民少而良民多封疆大吏惟當剿除首惡卽可保衛善民所有瀏陽攸縣各處匪徒卽著該署督撫等認真查辦並著會同在籍侍郎曾國藩體察地方情形應如何設法團練以資保衛之處悉心妥籌辦理○諭張亮基奏查明逆匪蕭潮濱實已轟斃等語蕭潮濱一犯係賊中著名凶悍首逆偽號西王經生擒賊黨羅五等供稱該逆前在長沙城外被礮轟斃屍埋老龍潭地方見已起獲屍身驗明梟挫並將羅五等六犯剋心致祭陣亡將士差足洩公憤而慰忠魂逆賊洪秀泉等肆擾楚粵罪惡滔天所有著名逆黨非死卽逃見在所餘無幾著統兵大臣暨各督撫等曉諭軍營將弁兵勇及地方文武並紳民人等合力同心共殄醜類至脅從之徒本非甘心從逆如能擒殺賊匪自拔來歸者不但免其治罪並可立邀重賞見在大兵雲集四面兜剿該逆等罪惡貫盈神人共憤斷不能久稽顯戮也○諭軍機大臣等陸續奏安徽防守情形等語據稱東西梁山及款港均須撥兵一千名藉資防守陸建瀛統轄三省所議自係通籌全局著楊文定蔣文慶迅卽酌撥安設其上游小孤山一帶著仍遵前旨不可撤防庶安徽之門戶亦資完鑰至撫藩大員乃一省之民望方將勸諭紳民持以鎮靜豈可先將眷屬移徙以惑

人心且當此防堵緊要之時若再不和衷其濟竭力籌維必致良民逃避土匪橫行逆賊將乘虛而入該督撫均不能辭罪也懷之將此由六百里加緊各諭令知之○諭陸建瀾奏江南兵汴流西上勢逆而難若有兵從襄陽順流而下直抵漢口牽制賊匪使不能剋期東下則江南追兵徑赴武昌可期兜剿取勝等語荆襄一帶地居上游見在添調防守兵力向單勢難分兵東下昨據向榮奏調盧應翔所帶礮船及音德布韓世福鄧紹良各帶官兵於常德岳州長沙一帶多雇船隻豫備火攻之具駛至荊口將賊船及浮橋燒毀即是從上游出兵制賊東下之意已屢諭張亮基等如數趲發不准藉詞留緩著向榮迅速催調俟礮船一到即飛咨琦善陸建瀾等各路進兵合力兜剿毋失事機至廣州府武昌縣爲省城東面門戶若任賊踞守江南兵何由前進當乘該處賊數未多盤踞未久即行遣兵截擊與下游聲勢方可聯絡朕屢次諭向榮派兵繞赴九江想已迅往應援昨徐廣縉奏大營兵勇見在整撤卓刀泉駐紮等語武昌被賊踞守主客之勢互易必應相機進取毋任賊得從容布置分竄下游其湖北糧臺尙無定設地方賊情狡獪萬一斷我餉道大局尤爲可慮該大臣遇事勇敢於一切事宜仍須隨時隨事妥籌辦理不可稍涉大意致有疏虞將此由六百里加緊諭令知之○命河南巡撫陸應穀駐紮南陽一帶督同欽差大臣琦善辦理防剿事宜○己酉安徽巡撫蔣文慶奏省垣狹薄賊近兵單請移調東西梁山等處兵勇力爭上游相機防禦得旨已有旨令陸建瀾與汝不分畛域熟籌防剿矣安省有失江督亦難辭咎汝可慎籌速辦勿爲浮言所惑尤貴和衷若省垣先自搖亂則合省不可問矣汝設想此何時何事若不將意見關打破一誤再誤誤人實誤己也○予湖南陣亡參將張協中祭葬世職○庚戌調張集馨署河南按察使由湖北按察使調○辛亥所穀於

上帝恭奉

宣宗成皇帝配享

○壬子諭內閣裕誠等奏會同傳旨審訊已革大學士賈尚阿並將親供呈遞所有賈尚阿應得罪名著原派之大學士軍機大臣會同刑部定擬具奏○諭軍機大臣等琦善等奏嚴催未到官兵一摺據奏山西直隸陝西各官

兵甫經行過許州其漢中陝安甘肅督標兵丁尙未行抵該處即著琦善等飛札嚴催一俟到有成數即先儘陳金綬帶領迅速馳赴安徽察看水陸地方何處緊急即由何處迎剿如賊匪尙未竄出楚境即由九江或安徽陸路直抵黃州與向榮派出鎮將前後夾擊軍情變幻不常陳金綬自能相機進取先其所急琦善已將先到官兵分布南陽信陽羅山光山商城諸處其在後續到之兵日內當亦不少即著親自統帶迅赴湖北確探賊蹤與向榮密爲期會一則專攻漢陽一則專剿武昌兩路同時並舉俾賊匪彼此不能兼顧見在向榮已飛調湖南上游船礮駛至金口會合若水路乘勢下攻楚賊浮橋船隻兩江水師亦汴流而上迎頭截擊大江南北兩岸又有琦善向榮督兵合擊該匪水陸受創前後被攻當可聚而殲旃前任吉林副都統富春見在飭赴軍營著琦善派令帶隊剿滅其湖北西路尤須防其乘虛竄擾著琦善與向榮豫爲準備萬勿疏虞琦善出豫境後南陽有陸應穀信陽有鄭敦謹駐紮防守務各嚴飭在事文武實力防堵毋令奸匪一名闖入其開封省會重地尤易藏奸即責成沈兆雲張集馨等專司鎮撫既

不有轄入心尤須偵緝土匪有人奏河南省曾獲有匪黨究出與京師奸徒勾結等語未見該撫奏辦此等匪徒一有蹤迹便當嚴

客本應如果牽涉京師尤當密奏查辦豈可稍事遲疑養癰貽患著陸應穀即查明據實具奏至該撫見在山省信陽及省城如三
緊要事即著該藩臬等具摺馳奏一面仍稟知該撫庶不至拘泥成例貽誤事機將此由六百里諭知琦善陳金綬陸應穀並傳
諭鄭敦謹沈兆澐張集馨知之○向榮奏因省城被陷反躬自責寢饋難安十二月二十一日臣派令總兵和春等攻撲新南門
派提蘇布通阿等攻撲雙峯山長春觀小龜山田家園等處並諭副將瞿騰龍等攻打長虹橋該逆於土城內開放槍礮抵死抗
拒時城頭之賊亦用連環大礮轟出礮子密如驟雨廣東署守備薩圖亮奮勇先搶上小龜山賊營拋擲火罐燒斃賊匪多名猝
獲賊礮中礮陣亡我兵極力攻打計傷斃賊匪百數十人受傷者甚多復查長春觀以外及新南門沿城一帶俱禁有土城與城上
之賊相應大礮極多防備甚緊臣思該逆占踞武昌漢陽搭有浮橋又有船隻來往此時殲茲醜類必須水陸夾攻方可得手且該
逆擄取財物極多船內輜重滿載斷不肯舍水就陸是下游之九江上游之荊襄及岳州回竄之路在在均關緊要昨接署江西撫
張芾知會以所調皖豫官兵及三板戰船尚未見到道士汛一帶兵力過少新任雲貴督羅興典函稱甫於長沙挑選兵勇五
百餘名帶往襄陽堵禦北路一帶雖調有重兵俱未趕到是北走信陽東下九江西上荊州南回岳州之路俱屬空虛必得上下游
官兵戰船趕到先堵其逃竄之路然後水陸夾攻方可聚殲查隔江之黃陂縣雙廟驛紫有陝西官兵一千七百名臣已疊次知會
該統兵官河州鎮總兵吉順加意固守又查離洪山二三里之卓刀泉為東路要隘即移營卓刀泉暫紮惟金口一帶並無船隻
川兵不能渡江因查上游離省六十里金口為武漢從西進剿要路大兵多於該處採辦糧糈業經咨會提蘇布通阿等統帶川
兵全隊馳往該處扼紮並屬查看情形如須渡江即速覓船繞往北面相機堵剿至賊船較多江面過寬非多撥礮船不能截擊臣
前擬調長沙常德兵船會擊茲准徐廣縉函知此次官兵仍留防守見調衡永撤回北省官兵管帶礮船駛下攻剿臣昨已飛咨撫
臣張亮基於長沙一帶雇船二三百號多安大礮委員解至金口見札飭張國樑挑選善駕船然礮之捷勇二百名星夜趕到以資
下擊其下游武昌黃州之賊前有以下江南之說難保不仍行東竄武昌縣在黃州上游見令總兵郭仁布統帶閩兵一千七百餘名
馳往防守見在賊踞武漢阻絕南北所有軍行文報難免繞越稽遲已飛咨徐廣縉並江西河南兩省按站多備驛馬或添設腰
站以通文報連日查城內潰出官兵飭令各帶兵官速為收集以資差遣至長沙遣散潮勇一千餘人到營投效聲稱情願殺賊亦
飭速為募齊聽候調遣見查竄擾黃州武昌之賊均已折回省城逆首洪秀泉尚在漢陽楊秀青住武昌羅大綱石達開往來尚無
定處其餘章政胡以沅曾三秀則未聞其人是否被官兵擊斃尚須查探湖北巡撫常大瀅署提督雙福總兵王錦繡常祿藩司梁
星源臬司瑞元鹽法道王東槐等於城陷時均各殉節其餘在城文武尙多俟查明再行奏報至大營官兵見分紮東路卓刀泉南
路長虹橋西路金口為三路進攻之計又抽撥官兵赴武昌防守上下兼顧城內逃出百姓聲稱逆匪有由水路逃竄之說陸建瀾
奉諭飭帶師船會剿久無到信徐廣縉張亮基雇覓船隻亦未見到深恐貽誤事機倍深焦灼上諭該大臣見駐卓刀泉並分兵

長虹橋金口爲三路進攻之計據稱此時船礮未齊而賊匪屯聚江西攻之過急則東竄之勢愈速自係實在情形向榮見已授爲欽差大臣一切調度不至章制掣肘著即飛催上游官兵船礮迅速前來金口乘勢下擊陸建瀛計已奔流上至九江若兩路兵船會剿焚賊船隻輜重斷其浮橋南北兩岸琦善與向榮合兵進剿一攻漢陽一攻武昌水陸互應使賊腹背受敵聚而殲旃在此一舉蘇布通河馬龍等若能渡江繞往北面堵剿更可得力金口地方控扼上游爲糧精軍餉赴營要道尤須妥爲布置勿令梗阻至所稱添設驛站收集潰兵各節均著照所奏辦理潮勇凶悍性成前此遣散既不得法此時必應善爲駕馭萬勿聽其一面之詞倚爲心腹致有勾結情弊所關非細軍情變幻不常該大臣既膺重任一切調度朕亦不爲遙制惟須統籌全局斷不可令賊匪紛竄鄰境再誤事機省城文武據奏巡撫藩臬道員及署提督總兵均已殉節尚未敘明情形著再詳細確查並此外各員及漢陽府黃州府武昌縣文武下落一併查明據實具奏將此由六百里諭令知之○諭本日向榮馳奏剿賊情形據稱江面過寬賊船較多非多撥礮船不能攔江截擊經該大臣行調長沙常德官兵配駕礮船駛下金口會擊乃徐廣綬仍以雷防爲詞轉調較遠之衡永撤回北省官兵似此不知緩急無怪坐失事機自蹈重罪張亮基見署督篆統轄兩省豈可稍分畛域雖湖南防守及剿辦土匪亦需兵力而本省存兵及紳士團練儘可藉以自固軍情緊急豈身膺疆寄者竟漫無權衡耶向榮見已飭張國樑選善駕船然礮之捷勇二百名委頭目管帶其咨取長沙一帶船隻即著張亮基潘鐸趕即封雇三四百號多安大礮委員星夜馳往並節次諭令飭音德布韓世禧鄧紹良多雇船隻招募水摸同應翔船隻一併迅速開行駛至金口聽該大臣調撥見在三路會剿琦善已擬由信陽前進陸建瀛計已馳抵九江當此喫緊之際若上游官兵礮船稍有遲誤即江岸兩路夾擊亦難得手必致賊船乘虛順流東下毫無牽制下游之兩江水師獨當其衝何以抵禦年來粵楚軍營惡習直以賊蹤出境爲了事以雷兵自衛爲得計張亮基目覩覆轍經朕屢次誥誡諒不至稍存意見也其武昌難文武據向榮查奏尚未確有實據著張亮基再行確查同漢陽黃州兩郡文武一併詳細查奏將此由六百里諭令知之○癸丑諭內閣本月上辛 祈穀大祀朕詣 壇齋宿虔申默禱惟願吾民同登衽席永戢干戈念白蓮匪滋擾以來由廣西而湖南而湖北所過城池多被蹂躪見復圍陷武昌省城數萬生靈慘遭荼毒即未被賊地方亦復聞警遠避備極流離顛沛之苦總由地方官吏平日既不先事豫防臨時又復張皇失措甚至望風先遁以致居民失其所恃不得不轉徙他方以全性命朕爲天下生民主不能察吏安民致令盜賊肆行閭閻驚擾輿言及此寢饋難安因思嘉慶年間川楚教匪蔓延數載嗣行堅壁清野之法令民團練保衛旋就蕩平即今廣西湖南地方多有團勇保護鄉里賊不敢偏且有殺賊立功者况各處鄉村良民多而莠民少若得公正紳耆董理其事自不至別滋流弊即地方間有土匪一經約束亦將去邪歸正其保鄉閭惟在良有司素得民心必可收眾志成城之效著各該督撫分飭所屬各就地方情形妥籌辦理並出示剴切曉諭或築塞濬濠聯村爲堡或嚴守險隘密擊奸宄無事則各安生業有事則互衛身家一切經費均歸紳耆掌管不假吏胥之手所有團練

壯丁亦不得遠行徵調各團中如有捐貲倡助或殺賊自效者地方官卽申詳大吏據實奏聞朕必立加獎敘如廣西湖南各鄉團出力者無不渥沛恩施凡士著良民各有產業與其倉皇遷徙拋棄田廬轉不免土匪乘機搶掠何如堅守鄉里以子弟衛父兄以家貲保族黨乎至於賊匪夥黨亦豈盡屬凶頑甘心從逆多因被賊裹脅供其役使苟延喘息未由自新見在著名逆匪如蕭朝濱等均已先後殲斃章政亦伏冥誅惟逆賊洪秀泉楊秀青等尙稽顙戮賊匪惡貫滿盈神人共憤光天化日之下豈容魍魎久肆凶殘必當立就殄除以快人心而安疆圉朕奉行天討軫念窮黎不惜數千萬帑金救民水火見復欽派大臣三路會剿自不難剋期掃蕩惟念此被脅之民不從則先死於賊從之則又死於兵患何知自權陷阱古人有云賊厥渠魁首從罔治朕仰體上天好生之仁何忍概行誅戮如有被賊裹脅自拔來歸者不妨貸其一死有能縛獻首逆或爲內應殺賊立功或戮取長髮賊頭目首級來獻者不但赦其前罪更當加以重賞其各深思猛省毋貽後悔我朝列聖相承深仁厚澤洽於黎庶朕以薄德紹承大統三載以來勤求民瘼惕厲時深難因各省水旱偏災並南河決口蠲緩錢糧截漕賑濟粵楚被兵處所亦已分別查辦蠲緩加恩而民困未能盡蘇小惠恐難偏及每念生民塗炭撫育無方卽再三引咎自責亦屬虛文惟有恐懼修省叩顙吳蒼宥子之辜拯我窮黎中外文武大臣及地方官吏亦當激發天良爲民除害各省紳民人等自必同仇敵愾速殄妖氛從此永慶綏豐仰承天佑朕與天下臣民同深寅感茲值大祀禮成用是敷布朕懷重申誥告著該部及各直省大吏刊刻謄黃宣示中外咸使聞知○諭軍機大臣等昨據向榮奏武昌城內逃出百姓聲稱逆匪已將城內大礮扛擡上船其被脅男婦紛紛驅至船上有水路逃竄之說本日又據陸應穀奏探聞賊在武昌過年後卽分三路東下水陸並進犯安慶江南二處並欲截瓜州水口糧船招集豐北饑民見賊約四五萬能打仗者萬餘各等語自賊踞武昌以來疊次諭令陸建瀛督帶大兵汴流追剿該大臣此時是否已抵九江水陸要隘如何布置尙未奏報朕心甚爲焦急逆匪蓄謀已久若一旦順流東下九江首當其衝該大臣馳抵該處務須與張芾安速籌備並知照向榮所調湖南上游船礮由金口駛下與江省水師會合夾擊其陸路各要隘亦須督飭帶兵各鎮將等確探賊蹤迎擊兜剿見在向榮派郭仁布帶領閩兵前往應援陳金綬亦自河南帶兵從安徽一路繞出賊前若水陸聲勢聯絡賊匪定難飛越皖省地方多與楚境毗連賊氛迫近情形喫緊江甯雖處下游一水直達該撫等亟須嚴密堵截擇要設防尤以固人心賊內奸爲要小孤山爲皖省險隘東西梁山等處亦金陵鎖鑰分兵扼守均屬緊要毋得各存畛域致誤事機楊文定見駐江甯其江蘇省城事宜著聯英倪良燿就近商辦如有緊急要件該藩臬卽行具摺馳奏一面稟知該督撫庶不至拘泥遲誤前諭李德飭令水師船勇駛往江南備調茲據奏稱黃富興前已赴粵見在飛咨登州鎮挑派勇兵丁四百名派幹練備弁管駕船隻剋日浮海南下以資江上防剿並稱上海一帶向有廣艇及水勇可雇其運用火器尤爲便捷著楊文定卽飭上海道吳健彰體察情形如何得力卽著迅速籌辦鎮江瓜州爲南北水路咽喉斷不可稍有阻隔總之軍務情形變幻靡定全在該大臣等相機設法以備不虞賊匪竄擾楚粵

吾民被害已甚儻復任其闖入江境肆行滋擾朕惟該大臣等是問將此由六百里諭知陸建瀛楊文定蔣文慶張芾並諭知祥厚等傳諭祁宿藻聯英倪良燿知之○免廣西元年緩徵額賦十分之五永安等十五州縣二年額賦十分之三○甲寅諭內閣國家設立營伍稽查奸宄捍衛地方必當隨時整頓方能備無患京師重地尤關緊要朕聞步營兵數多不足額街道堆撥往往雇夫充數該管官巡查明知不究似此上下相蒙尙安望禁暴討奸緩急可用著步軍統領徹底清查嚴懲頂替臥沐老弱挑選精壯務令兵歸實用餉不虛糜至禁城內外各門尤宜嚴肅節經降旨令前鋒統領護軍統領嚴飭值班官員兵丁等隨時查覈第輪值班宿人數眾多其中難保無曠誤偷安老弱充數著該管大臣認真揀派以資宿衛並隨時查驗軍器務使一律堅利毋得徒飾觀瞻九城內外地面五方雜處其小街僻巷及民房寺院客店等處最易藏奸著步軍統領衙門順天府五城一體嚴密偵緝遇有形迹可疑行蹤詭祕者立即盤詰究辦務使奸宄斂迹地方肅清毋得視為具文致干重咎懷之○諭榮宗光奏拏獲糾眾拜會匪徒嚴行懲辦一摺廣西全州興安交界五排地方匪徒楊三通等膽敢於逆匪竄撲長沙之時糾立孝義會名目邀集多人歃血盟誓妄立五營頭目暗號意圖乘機焚劫經各州縣訪聞密稟該撫派委太平府知府顧謙庚馳抵大潯江地方督飭文武紳團不動聲色將首要各犯全行拏獲正法辦理尙爲安速所有該州縣文武失察處分均著加恩寬免仍飭該地方官督率兵壯團練嚴搜餘匪毋得稍畱餘孽以靖閭閻○諭軍機大臣等陸應穀奏湖北襄陽府屬北鄉一帶土匪滋擾旱路新集煙家店等處係郭大安董如林易有道等爲首夥匪一千三百人拒傷兵勇奪去大礮四尊水路董家埠古城營等處匪首孫貴樂玉石劉見瀾劉子槐等聚眾一千六七百人搶劫商船三百餘隻製有黃旗紅袍擡槍大礮等件該處與河南新野縣連界已派總兵柏山帶兵馳赴新野會同襄陽府嚴密勦擒等語土匪乘間竊發必應及早殲除見在河南前往之兵止一千餘名恐尙不敷勦捕著舒興阿即遣派得力文武大員酌帶弁兵馳赴襄陽會同河南官兵迅速兜勦務將首夥匪犯悉數殲擒毋畱餘孽其商州等處通楚各路徑著一律嚴防勿任偷越羅繞典計已遵旨馳赴襄陽並著舒興阿知照譚商安速辦理不得稍有畛域之見致誤事機將此由六百里諭令知之○諭陸應穀奏襄陽土匪滋擾見派鎮將督兵合剿一摺該匪等膽敢因武昌失守糾眾搶奪抗拒官兵不法已極陸應穀不分畛域派兵會拏自應如此辦理本日已寄諭陝甘總督舒興阿迅速派委得力將弁星速馳往該處協力擒拏惟陝甘兵到尙需時日襄陽界連陝豫地據上游最爲緊要前有旨令羅繞典馳往駐紮兵力尙單若不急將土匪撲滅恐滋勾結爲患著向榮悉力籌畫是否能暫爲分兵前往會剿儘因武昌一帶賊勢緊急即飛咨陝西河南併力勦辦刻下武漢逆賊蹤迹如何前調湖南船礮何時駛到金口儘該逆等棄武昌漢陽全股順流東下兩江情形關緊緊要向榮必當統領大兵跟蹤追剿斷不可稍有延緩若賊匪餘匪牽制我兵而以大股潛入江境亦須察看緩急酌量官兵在楚仍當督率重兵水陸緊追使賊匪無暇喘息與九江安徽江甯等處官兵前後夾擊賊匪進不得攻城肆掠退有大軍緊蹙其後勦辦庶可得力從前粵楚失計賊來不能堵截賊竄又不能力追

一日探知其弊豈可自貽覆轍該大臣軍營有無文員襄辦文案如有應行調用之人即著一面奏明一面調營差委又據陸應發
不無聞賊匪於上年十二月十三日前往黃州知府副將豫行還避以官兵作稱百姓誘賊入城設席送酒賊匪飲醉被官兵逮行
順獲後數日賊來復仇行至郭店向榮派兵趕到復獲勝仗又賊分股至蔡店向民人僞索錢穀滿載欲行又經我兵截殺回錢
穀各等語河南探報虛實難憑仍著向榮確查並隨時將賊匪情形具奏將此由六百里諭令知之○廣西巡撫勞崇光奏伏查逆
匪起於粵西金田新墟等處既而踞永安撲省城由興安全州闖入楚省該逆等每遇移輿皆以行經官兵跟蹤蹙蹙不少見
在似無該逆家屬在粵藏匿臣屢飭地方嚴密按捕並無蹤迹惟下游一帶大兵攻剿得手賊勢窮蹙難保不回竄舊巢臣惟有懸
賞購緝設法辦理並諭地方編查保甲諄飭界連楚省各屬扼要嚴防至洪秀泉籍隸廣東花縣其祖父墳墓在該縣松岡嶺平鐘
形等處上年已據花縣知縣牟洪齡查明與馮雲山祖父墳墓一併移掘並拘獲馮雲山家屬解省審辦又章政之曾祖章彩行於
金田亦經前署桂平縣李孟羣查明發掘其餘各孽墳墓各再確查發掘以除戾氣再逆匪范運得家屬前經擊獲正法至各處
土匪並當趕緊分投掃捕以期一律肅清奏入報聞○乙卯 上御紫光閣賜蒙古王公外藩使臣等宴賞賚有差每歲皆如之
向榮奏連日查探逆匪糧缺知其日內必逃當於十二月三十日夜傳派各營於正月初一日分路進攻臣督兵勇奮力擊賊賊眾
敗潰都司張國樑乘勢攻入賊營立將土城拆毀十餘丈奪獲六百斤大礮二尊器械二十餘件據城內百姓逃出聲稱該逆將大
礮紛紛搬入船內從上游走荊州並分股回竄長沙復據探報賊船二百餘隻駛至上游離漢陽三十餘里之沌口地方隨後尚有
賊船陸續揚帆而上等語查沌口係通荊州小河當即飛咨駐紮金口之提臣蘇布通阿畱心偵探如賊上竄即速跟蹤追擊一面
飛調防守常德之總兵音德布趕往荊州會同將軍台湧實力堵剿但恐該逆聲東擊西故作逃竄之計下游之道士伏兵力向單
即於初二日派令總兵王山參將劉開泰管帶兵勇馳往會同該處官兵扼要堵截初二日夜見保安大東門一帶火起刻即出隊
進攻派令總兵和春奏定三從後進襲臣率總兵李瑞等分攻東南二門兵勇直抵城門該逆不敢抵抗紛紛下城逃竄我軍一擁
而入分投趕殺該逆由草湖門漢陽門逃出擁擠上船我軍追抵江邊殲斃賊匪多名餘賊撲水淹斃者無數當將武昌省城收復
查探頭隊賊船二百餘隻昨夜已駛下離省六十里之陽邏地方其餘尚在北岸一帶停泊臣已派令總兵和春李瑞奏定三帶兵
先由南岸沿江追擊臣見將應辦事件妥為料理即日督隊緊蹙賊蹤相機督辦一面飛咨琦善派兵繞出江南上游會同圍剿並
咨陸建瀛張芾迅帶師船從江中攔擊及照會玉山劉開泰限以五日趕到九江會同堵剿省城收復一切需人料理臣急須督兵
追擊不能兼顧查河南布政使嚴正基見在岳州辦理轉運糧局已照會該員速來武昌查辦一面飛咨調任湖北撫臣裕秉章趕
緊前來以資表率臣上諭內閣見在收復武昌省城賊船已駛往漢鎮下及離省六十里之陽邏地方向榮一面畱兵在省彈壓防
守即親督諸軍緊蹙賊蹤追擊繞截辦理甚合機宜著即督率總兵和春李瑞奏定三等分帶各路兵勇水陸並下乘賊勢窮蹙之

徐迅速追剿毋令會合併力東駛至武昌城內文武殉難人民慘遭荼毒亟應大員前往撫綏招集流亡著張亮基路秉章即日兼程馳赴武昌並著河南藩司嚴正基自岳州先行馳往將被難居民加意撫恤查屍骸分別查認收殮並將武昌漢陽殉節文武官員迅速詳查被害各情節即行馳奏其漢陽城中賊匪是否全行逃竄著見在駐紮黃陂之總兵吉順先行帶兵前往收復前已諭令陳金綬帶兵由安徽一路繞出賊前截擊琦善著即日統兵與向榮兩路合力追剿陸建瀛統領江省水陸重兵迎頭夾擊毋任賊匪東竄並著張蔭桓文慶楊文定等一體飭屬嚴密防堵毋得稍有疏虞○諭軍機大臣等向榮奏賊匪被擊下竄一摺賊匪占踞武昌漢陽該大臣派委兵勇分路進擊逆匪紛紛逃竄我軍收復武昌省城見在頭隊賊船二百餘隻已駛下陽邏地方該大臣先派玉山劉開泰等管帶兵勇馳往下游道士洑會同該處官兵戰船扼要截堵並令和春李瑞秦定三統帶官兵沿江追擊布置尙屬妥協著即相機進攻與琦善陸建瀛三面會剿賊匪銀糧輜重盡在船中若能設法燒毀剿辦更易得手前調湖南船礮此時是否調到已屢次嚴諭張亮基等籌辦矣蘇布通阿等所帶校兵若由金口乘船下擊必可得力仍須隨時知照陳金綬兩路夾攻江省兵力太單惟藉南北兩路合剿向榮統籌全局諒必能先其所急也本日軍機大臣奏有人呈稱賊匪擄船甚多宜用火攻見難竄出武昌而東駛船隻攢聚江面正可相度地勢乘風縱火燒毀賊船或設伏用開或選派心腹弁兵潛入賊中相機行事或募水摸鑿沈賊船惟在隨時酌辦朕亦不爲遙制原呈著摘鈔閱看該大臣久歷戎行於見在軍營中將弁自必知之最悉如有才技出眾有勇有謀者著即據實奏明以備錄用此外若有素所深知堪備將材者無論何省營弁一併保奏慎密爲要將此由一百里加緊諭令知之○諭向榮奏賊匪被擊下竄見督諸軍追剿一摺據稱頭隊賊船已駛下陽邏地方距道士洑一百餘里陸建瀛已抵九江著即督帶兵勇並水陸得力將弁迎頭截擊遏其直下之路與向榮琦善等分路夾攻互爲犄角不可再令紛擾所帶馬礮六百尊前有旨諭令妥爲布置此項利器必須得力將弁督帶萬不可稍有疏失並著張蔭桓文慶嚴密守禦互爲接應江甯省城緊要疊經降旨令祥厚楊文定等扼要防守本日復諭令楊殿邦楊文定於鎮江瓜州一帶派兵守禦兩處江口關繫南北全屬斷不可使賊搶占致有梗阻江岸上游亦須密爲布置務期聲勢聯絡互爲策應本日軍機大臣奏有人呈稱賊匪擄船甚多宜用火攻見在賊已竄出武昌其銀糧輜重盡在船中若於沿江港汊埋伏船隻多備火器於賊船攢聚之處乘風縱火燒毀自不難奪其所恃如能設法誘或密選心腹將弁改裝潛入賊營或募水摸鑿船隻沈惟在相機設法不可拘泥至廣艇是否可用已有旨諭令楊文定飭令吳健彰酌辦本日又有八陵上海見在廣東艇船不下百餘號客商覓雇專爲護送貨船若雇令由崇明入京口可禦上游下竄之賊惟船夫皆澳門人又係夷裝是否可以雇用不至別滋事端仍著安速等辦原摺呈著摘鈔給閱將此由六百里加緊各諭令知之○諭本日據向榮奏逆匪竄出武昌勢將東下一摺鎮江瓜州爲大江南北咽喉重地漕糧運道文報往來在在均關緊要其爲東南門戶較之武昌漢陽尤爲喫緊見在楊文定駐守江甯省城楊殿邦計已行抵淮安著即就近馳赴瓜州

汪口扼要駐紮督同兩淮運司劉良駒常鎮道姚熊飛鎮江揚州各知府並會同京口副都統相機妥爲布置前任運司但明倫於揚州地方素爲熟悉著卽留於該處隨同楊殿邦等協力防守前有旨諭令陸建瀛等調撥崇明狼山福山等處水師爲省城聲援是否業經調到提督福洪阿是否已帶兵前來瓜州京口兩處止有漕標及京口協水師兵丁可資調遣恐兵力不敷則徐州鎮標弁兵亦可酌量緩急調撥徵徵船隻及夫役人等如有可用之處並著酌量雇募以爲團練防守之助該漕督務須體察情形迅速籌辦勿致稍有疏失陸建瀛相距較遠著卽與楊文定隨時酌辦不可稍分畛域將此由六百里加緊諭令知之○諭武昌逆匪經向榮於正月初一日派兵四路進攻初二日逃竄出城擁搶上船至離城六十里之陽邏地方停泊下游情形危急全賴北路重兵星馳截剿與向榮南路追兵勢成犄角以遏其鋒僅株守信陽專以帶兵未齊藉口必致貽誤事機琦善接到此旨卽刻兼程帶兵前進乘賊匪甫經逃遁相機追剿一面嚴飭得力鎮將管帶兵勇於江南北岸沿途截追可期得手至武昌收復本日已諭令張亮基略乘章等馳往撫綏難民若漢陽賊匪亦全數竄出著吉順就近收復交張亮基等妥爲安集琦善應卽統兵與向榮會籌合剿迅速前進斷不可以收復漢陽爲詞在彼遲留至賊船見處下游當以火攻爲要著該大臣體察形勢酌量密辦僅經朕諄諄訓誡琦善陳金綬仍不迅速遵辦致賊匪闖入九江宿松順流下駛朕必治以遷延貽誤之罪陳金綬久歷行陣於將弁中實在謀勇出眾或一技之長有可資委任者准其據實保奏候朕錄用琦善赴楚後河南防堵事宜陸應穀督同地方官嚴密布置勿稍疏懈至襄陽土匪滋事派兵會剿見在曾否撲滅並著該撫隨時據實奏聞將此由六百里加緊各諭令知之○丙辰諭內閣布彥泰奏審明葉爾羌阿奇木伯克稟詳該管大臣定擬具奏一摺此案乾清門行走回子郡王葉爾羌三品阿克木伯克愛瑪特於所屬護衛阿津挾勢婪贓毫無覺察又以該管之參贊幫辦大臣倡認攤派路費畏罪情急列款訐控實屬咎無可辭愛瑪特著退出乾清門革去阿奇木伯克姑念伊父伊薩克檢獲張格兩有功著仍留土爵發交伊犁將軍差遣以觀後效葉爾羌參贊大臣德齡幫辦大臣倭仁風聞該伯克攤派路費及護衛阿津索贓等情並未查訊明確卽行參奏辦理殊未允當德齡倭仁均著交部嚴加議處尋議降三級調用從之○命戶部左侍郎王慶雲倉場侍郎慶祺往天津驗收海運漕糧○以審辦葉爾羌控案出力釋遣戍新疆已革湖南巡撫馮德馨回籍○丁巳諭內閣怡良王懿德奏請將各處未補倉穀暫緩採買一摺福建省城及漳州府屬上年夏間猝遭風雨民間益藏雜糧聞有損失兼之臺灣米船進口稀少晚收後糧價未見平減若再發價採買倉穀誠恐有妨民食著照所請准將上年應補倉穀暫緩採買俟今年秋晚收後糧價平減再行奏明買補其歷年未買竣穀五萬八百餘石仍著責成該管道府勒限買竣以重倉儲○諭軍機大臣等有人呈稱置備船廠撥兵防守江口十二條昨據向榮奏逆匪下竄賊船已駛下陽邏地方距道士嶼二百餘里大江下游一帶不可不嚴密防守昨已諭令楊殿邦楊文定等於鎮江瓜州兩處江口派兵防守並於沿江港汊多快船隻豫備火器燒毀賊船並雇水掠將賊船擊沈亦可奪其所恃該漕督等自已設法相機籌辦江面船隻急應收用金山

爲南北兩口要隘必應重兵屯守安設嚴防其餘各隘口均須嚴密防備著該督等即將所奏各條體察情形迅速籌辦但須因地制宜亦不必拘定如此辦法原單著鈔給閱看又有人奏鎮江一帶多有善泅者能於水中潛伏數日俗名水葫蘆亦可雇募備用見亡賊匪東竄江口要隘關繫南北全局斷不可使賊匪搶占致有梗阻設防處所尤應慎擇將弁管帶兵丁守護船廠木簕毋稍疏虞陸建瀛見在督兵九江上游相距較遠即著楊殿邦楊文定安速等辦無致延誤請任江南河道總督潘錫恩見在告病家居著儘知該員幫同辦理地方防堵事宜所需經費若俟部撥緩不濟急或截留漕糧抵用或於鹽務地方紳商設法捐資暫濟急需將此由六百里加緊諭知陸建瀛楊殿邦楊文定並諭祥厚霍隆武文藝傳諭祁宿藻聯英倪真劉翼勳但明倫知之○戊午諭內閣見在軍務未竣部撥各省軍餉經過地方必應迅速催解大營以資接濟即使途間有阻隔亦當設法籌運繞道行走安速解交者因本省需用孔亟將過境餉銀紛紛截留是但圖自便取攜置大營要需於不顧儻有貽誤所關非細卽如蔣文慶奏浙江委解湖南湖北餉銀七萬兩因驛路難行請留皖省作爲防堵經費朕以該省見在防堵情形較前緊急姑允所請惟該撫摺內並未營及繞道行走於大營需用緊要應請補撥之處亦竟未置一詞封疆大吏自應統籌全局豈不知部撥軍餉斷難展轉稽延耶嗣後各督撫務當先其所急於餉銀解經本境趕卽派委委員護送並飭該員等探明路徑如須繞越前進卽加意防護迅解大營毋稍疏失儻各存畛域任意截留要餉政誤事機著該部卽行參奏○諭軍機大臣等前據季芝昌王懿德奏參福建水師提督鄭高祥督剿艇匪畏葸不前當降旨照部議革職仍責令帶罪出洋剿捕以觀後效朕見閩省洋面廣艇匪徒愈肆滋擾臺灣米船開被搶掠以致臺米不能渡海閩浙糧價昂昂鄭高祥不能乘坐海船每遇巡洋往往藏匿海汊逾時捏報欺飾似此怯懦無能無怪匪徒日肆且江浙二省見辦海運設使洋面稍有疏虞所關非細著怡良王懿德迅卽確查鄭高祥如有前項情節不勝水師之任卽行據實參奏另派妥員暫署一面奏請銷放務飭署任之員將艇匪悉數殲除毋得再有貽誤陸路提督炳文前據季芝昌等奏署遊擊王煜申文內夾有匿名揭帖聲訴炳文有調操扣餉各情該提督平日聲名究竟若何著一併查明具奏並著閩浙督撫於水師各營總兵內留心訪察如有堪勝水師提督之任者據實保奏再前據施宗漢奏浙江提督葉紹春觀於步履提請總督代奏開缺旋知該提督熟悉海面情形平日整頓營務尙屬認真見當剿捕廣艇匪徒之際統率需人著黃宗漢就近查看如該提督病已痊癒卽傳旨令其奮勉從公以圖報效毋負委任將此各諭令知之○己未命恭親王奕訢詣 慕陵行三期祭禮 上詣奉先殿 壽皇殿行禮○諭 硃筆訓臣工戒因循諭曰我 皇考宣宗成皇帝深仁厚澤浹於寰宇予小子受付託之重懷大業之艱兢兢業業已三年矣追思我 皇考彌留之際諄諄以國計民生爲重囑命諸臣所具知者試思今日國計未豐民遭塗炭朕雖自恨自責竭力籌維亦終無成效豈不有負 高深爲天下一罪人乎內外文武諸臣抒忠宣力視國如家者固不乏人然泄洩沓沓因循不振祿位之念重置國事於不問者正復不少朕雖非賢主斷不忍該咎於諸臣試問諸臣五夜捫心何忍何安若不痛

加改悔將來有不堪設想者矣是用誣告爾大小臣工自今日始仍有不改積習置此論於不顧者朕必執法從嚴懲辦斷不姑容
猛以濟寬正今日之急務也朕爲諸臣計國計民生無關於汝之身家獨不惜一身名節甘爲大清國不忠之臣不亦愚乎總之以
言感人其感甚淺爾大小臣工若以認真爲多事以朕爲可欺一人在上欺之固易翹首 上蒼昭昭 明鑒吁可畏也特諭○諭
軍機大臣等戶部奏遵議楚省餉糈一摺已有旨交向榮張亮基等照辦矣至所稱截留米石作爲軍食一節前經飭令該督撫等
籌辦惟江甯等屬及安徽江西應運新漕除截留軍食外爲數尙多僅因運道梗塞未能抵京自應酌量變通以應運米石抵各該
省兵餉銀兩且可節省漕項津貼等款著陸建瀛楊殿邦楊文定蔣文慶張芾等迅速覈計所有業經徵收之漕糧若干見歸節省
之漕項若干應如何搭放兵餉或就地糶變務即通盤籌畫奏明辦理至大兵追剿所在口糧遇有漕地方亦命其隨地關支以抵
銀兩其節省之銀統歸軍需報銷該督撫等身膺重任當此軍務喫緊經費支絀之時其各體察情形妥速辦理至漕船水手均係
壯丁見既停運是否可招募團練以資禦侮有無流弊並著的量辦理將此由六百里各諭令知之○庚申 上御保和殿賜王太
臣官員蒙古王公外藩使臣等宴○諭軍機大臣等前厚楊文定霍隆武奏省城守禦情形並懇添調勁旅一摺江南省城保障東
南節經降旨令該將軍等督兵守禦茲據奏稱江南兵力柔脆提標各營又節經徵調福珠洪阿於城外設防尙覺勢孤復由霍隆
武選帶旗兵總兵程二光選帶營兵擇要駐紮與該提督互爲犄角布置尙屬周妥惟城內兵力單弱自係實在情形所請山東精
兵已有旨令李德卽選精兵一千派委得力將弁管帶馳赴江南以資調遣其山東師船既據稱緩不濟急已諭令停其調往矣前
已有旨諭令楊殿邦督同運司道府並會同文藝籌辦江防事宜又諭令將前任運司但明倫留於揚州等處辦理防堵茲據奏稱
揚州鎮江兩郡經文藝暨該運司督同府縣辦理著卽趕緊布置無稍延緩至所稱開芝城濠築壩蓄水擇要挑挖並多設地聽及
城上架礮諸事著卽飭令祁宿藻涂文鈞等與鄒鳴鶴迅速妥辦總期通盤籌畫進可以戰退可以守不至臨事倉皇是爲至要將
此由六百里諭知祥厚楊文定霍隆武文藝並諭福珠洪阿傳諭祁宿藻鄒鳴鶴各知之○辛酉諭軍機大臣等見在賊田武昌東
竄大兵追剿需餉孔殷各省撥解餉銀恐因驛路阻隔致有稽延惟自廣東至湖北轉運較便上年十二月曾諭令葉名琛等籌款
接濟仍著迅速設法無論庫款關稅各項先行籌撥派委得力員弁妥速解赴大營應用或於廣東販賣商戶暫行借貸以期有益
要需刻下向榮統帶重兵由武昌陸路跟蹤追剿九江下游情形萬分喫緊若停兵待餉其勢更不可問諒該督等必仍焦灼也
將此由六百里加緊諭知某名琛柏貴並傳諭曾維知之○諭張亮基奏籌撥湖北軍餉各摺片已飭戶部速議具奏並諭令葉
琛等趕緊籌款接濟矣逆匪竄出武昌全行上船在江面陽邏一帶屯泊如果上游船礮應手正可乘此順流焚剿據徐廣縉奏見
已酌撥礮位多備船隻又添置漁船雇募水摸業經派定交付鮑起豹管帶一俟船礮到齊卽與續置火船押往金口著張亮基仍
遵前旨迅速辦理聽候欽差大臣向榮調撥至軍餉一節尤關緊要昨已據戶部奏明開單飛咨各省並有旨諭令向榮張亮基等

按單催提惟各處道路梗塞恐委解各員繞越行走不免耽延時日朕心實深焦灼著張亮基等先行就近設法籌畫或於本省富戶商賈暫爲借貸或將應存米糧運赴軍營以資接濟務須通盤籌畫先其所急若但以軍餉不繼一奏了事展轉稽延恐致貽誤武昌省城今已收復前諭令張亮基駱秉章卽日馳往見在招集流亡撫綏難民彈壓土匪一切均須妥辦武昌餉銀究被賊匪掠去若干該署督等到省後是否尙可稽查著卽一併具奏飛咨戶部查照再襄陽土匪滋事此時是否肅清仍當隨時知照羅繞典籌商勦辦立淨根株湖南防剿各事宜卽責成潘鐸相機妥籌毋得稍有疏虞將此由六百里加緊各諭令知之○安徽巡撫蔣文慶奏奉旨令周天爵協同辦理團練防剿事宜並飭陳金綬帶兵數千往安徽幫同截擊查周天爵練勇尙需時日陳金綬不知行抵何處已否催迅卽來皖日內山東官兵八百名江蘇官兵九百名陸續到省省垣聲勢漸壯人心較前漸定除附城安置紫營並城上按垛派兵外當卽分撥兵丁七百名交浙江副將田大武遊擊孫國安帶赴宿松會同防堵又撥兵三百名前赴小孤山交臬司張熙宇督令協同防剿此外英山霍山太湖各要隘擬俟續有兵到再爲分布報聞○王戌上御乾清宮賜近支親藩等宴○諭內閣理藩院奏杜爾伯特扎薩克和碩親王棍布扎布見當軍務未竣情願將所領俸銀二千兩捐備軍需懇請轉奏一摺杜爾伯特扎薩克和碩親王棍布扎布布見當軍務未竣情願將所領俸銀二千兩實屬出於至誠朕甚嘉悅惟念該親王平日藉資當差捐銀兩著勿庸賞收加恩著賞給大卷綢袍鞋料一套由廣儲司支給以示朕體恤蒙古臣僕之至意○諭理藩院奏駐京之科沁鎮國公棍楚克林沁見當軍務未竣情願捐銀一千兩以備軍需懇請轉奏一摺科沁鎮國公棍楚克林沁捐銀一千兩以備軍需具見惻忱此項捐輸銀兩著卽賞收交軍機處存記俟軍務告竣再行提奏○諭軍機大臣等有人奏訪聞逆賊見用木排舟行中流窺行傍岸上堆泥垛槍礮遮列四面直若無基之城有足之馬結陣而行戰船不能及前火攻不能透內又有連環小排一遇敵軍可以圍裹又用木簾鋪板上覆厚土接連兩岸可以遮遏上游之師若坦途然以利行旅凡過者皆以銀錢與之如此則川江漢江之兵米不能踰越鐵銅等船必被格斷賊如順流東下衝過九江安徽江南各處雖有小隘口恐難抵禦賊若水陸並下以退江西兩廣兩湖之兵則江甯勢甚可危揚州以北亦恐震動今止有屯重兵於鳳嶺徐州上下四面救應如賊竄至江甯則以重兵扼瓜州或派流到觀音門以木簾厚塞使不能下則布置可期得手等語若如所奏賊匪木簾笨重若我軍船礮應手正可順風縱火焚毀賊船向榮此時已督兵追赴下游陸建瀛見在如何禦賊琦善陳金綬是否帶兵由北路趕緊追剿旬日以來均未據奏報實深焦灼凡遇江口勿令賊匪占踞其船隻必須先期收入港汊多備火具繞出賊船上游乘勢焚擊陸路扼要處所萬不可令賊截斷總期通盤籌畫進可以戰退可以守是爲至要又有人奏軍營應明定賞格如有斬獲首逆者無論官弁軍民人等必應加以鉅萬重賞卽僑職之榮亦所不靳著該大臣等明定條款徧行曉諭重賞之下必有勇夫朕斷不爲遙制也將此由六百里加緊各諭令知之○癸亥諭內閣本日張亮基奏據實舉劾州縣一摺已有旨准照所請分別辦理矣所劾呂裕安陳敬曾各員或才品

畏下或居心污鄙自應隨時糾參以肅吏治惟封疆大吏爲屬員標準表正景正不易之理此等劣員總由歷任各上司養其揣摩迎合曲爲徇庇以致吏治廢弛養癰貽患實堪痛恨卽如程裔宋身任湖廣總督辦理地方防堵毫無布置任賊肆竄片革後仍令舊辦糧臺效力贖罪該革員受朕格外恩施宜如何力圖後效乃以武昌失守省屬存亡未卜驚憂成疾爲詞懇卹本籍調理而張亮基卽代爲具奏乞恩夫人臣國爾忘家豈宜巧便身圖置公事於不顧况當軍務萬分喫緊惟知引疾規避冀得脫身事外是誠何心且如常大溜等以身殉國甚或全家被難情形極爲可慘以該革員較之尙得遂其倖生苟免之私而顧忽然求去耶前書朕閱其向該署督告病呈詞居心鄙陋業已灼見肺肝特以糧臺責任重大該革員既已喪盡天良置之亦屬無益姑允代奏飭令回籍而張亮基前次奏片代陳患病情形反復觀縷惟恐不邀允准且稱該革員除隨身行李外一切存在武昌均已蕩然當此垂暮之年未免益增心累等語張亮基但欲見好同官並以代爲計及瑣屑之語直達朕前如果心地純淨無私此等鄙言何至流露筆端朕不欲過事吹求而諸臣之設心行己誠僞公私殆亦難逃朕鑒偶因張亮基此奏特加訓誡俾咸知儆省至督撫職司舉劾察吏所以安民而在此時尤爲急務除湖南湖北省各員仍著張亮基等隨時認真甄別外各直省督撫務須破除情面嚴加查察如有貪鄙不職之員一經訪聞立即據實嚴參重懲不准稍存姑息任令昏庸戀棧致釀貽誤其道府州縣各官實有循聲素著才猷卓越者卽當登諸薦牘或實心任事惻惻無華不染卑鄙惡習者亦當拔尤保舉以挽頹風各該督撫等經朕簡畀封疆重任其各正身率下舉錯公明當此時勢孔艱需才尤亟若不激發天良屏除成見將所屬各員實力甄別舉劾何以振紀綱而蘇民困耶將此通諭知之○諭軍機大臣等武昌賊匪東竄據向榮奏報已屆旬日賊蹤見由何處抑仍在黃州上游之陽邏地方屯聚未據續行奏到陸續建瀛計抵九江將屆兩旬是否已經往上游迎擊與向榮所派玉山劉開泰管帶廣東兵勇合力堵剿截賊下竄之路亦未據該大臣奏聞朕心日深懸念九江爲蘇皖各省門戶關繫十分緊要本日據浙江學政萬青藜奏稱該處上游北岸黃州武穴鎮南岸瑞昌馬頭係江廣咽喉須重兵防堵九江城西龍開河地面得勁兵駐守可與瑞昌馬頭接應並將河口挑挖寬深以所挑之土堆高基址堅築土城與郡城犄角以障衛陸兵而遷駐水師更於黃梅之新開鎮小池口等處扼要築堡防賊偷渡卽與武穴鎮沿江接應賊匪四面受敵必不敢輕犯長江等語該學政籍隸九江熟悉該處地方形勢險要所奏不爲無見不知該處是否如此布置此時情形又復如何著陸建瀛張芾會同向榮迅速籌辦一面知照湖北督撫一體辦理並將見在防剿情形迅速具奏原片著鈔給閱看將此由六百里加緊諭知陸建瀛張芾並諭向榮知之○前禮部侍郎曾國藩奏遵旨幫辦團練查匪事務於上年十二月二十一日馳抵省城與撫臣面商一切因念團練之難不難於操習武藝而難於捐集經費若經理非人易滋擾累此大擬訪求各州縣公正紳耆勸使董理其事俾百姓知自衛之樂不復以捐費爲苦至搜查土匪撫臣張亮基業經嚴飭各州縣設法辦理惟逆賊既熾長沙重地不可不嚴爲防守臣察看省城兵力單薄詢悉湖南各標兵丁多半調赴大營行伍空虛不足以資守

禦因於省城立一大團練局認真操練就各縣曾經訓練之鄉民擇其壯健而樸實者招募來省念自軍興以來二年有餘時日不為不久糜餉不為不多調集大兵不為不眾而往往見賊逃潰未聞有與之鏖戰一場聞頭一戰者其所用兵器皆以大礮鳥槍遠遠轟擊未聞有短兵相接者皆由所用之兵未經練習無膽無藝故所向退怯今欲改絃更張總宜以練兵為要擬見在訓練章程宜參倣前明戚繼光近人傅龍成法但求其精不求其多但求其濟不求速效誠能實力操練於本境土匪足資剿捕即於省城防守亦不無裨益上諭曾國藩奏幫辦團練查緝土匪情形另片稱俟有頭緒即當回籍守制等語見在楚省土匪查緝尚未淨盡各處團練保衛鄉閭最關緊要該侍郎所奏訓練章程宜倣成法但求其精不求其多既可防守省垣復可查拏土匪辦理甚為妥協著張亮基潘鐸會同該侍郎悉心籌辦毋任有司視為具文曾國藩係丁憂在籍大員奉旨幫同地方辦理團練事宜原為保衛桑梓所請不敢仰希恩敘並縷陳各情具見惻忱惟當此設團訓練勸捐籌辦之時必須公正紳士素為鄉里信服者會同地方大吏始終其事庶克有濟曾國藩籍隸湘鄉距省不遠即幫辦公事亦於定省不至疏闊著俟辦理著有成效再行具奏遵例回籍守制可也將此諭知張亮基潘鐸並諭曾國藩知之○甲子 上御撫辰殿賜王大臣官員蒙古王公外藩使臣等宴○兩江總督

陸建瀛奏臣行抵廣濟飭令壽春鎮總兵恩長督兵趕赴下巢湖左右駐紮隨接向榮知會賊匪擄船千餘隻水陸並下恐上游兵單萬難堵截須撤赴九江併力合剿以期有濟臣當照會恩長酌量辦理一面飛咨江蘇安徽各撫臣於入境水陸要路嚴兵防禦旋據前路探報該逆於正月十八日五鼓順流蔽江而下恩長分水陸三路接戰督率水師太湖協副將劉長清等連開大礮擊碎賊船三十餘隻擊斃賊匪先鋒四五百人該逆抵死抗拒愈聚愈多該總兵自用為槍炸裂猶揮兵轉戰力竭投水身死臣所帶兵

勇均隨恩長赴防營僅畱四百餘名而該逆注意江南省城竟欲分股竄擾見在九江一帶緊急臣所帶兵勇不敷勦辦厘勇亦未到齊聞向榮統兵前來即圖面商一切本日前途探稱該逆已在姑塘一帶放火伏思江甯為三江根本重地及蘇浙淮揚之屏障該逆既有徑竄滋擾之說關繫更重臣自應趕回江甯會同祥厚楊文定福珠洪阿等趕辦防堵事宜維持大局其江西既有向榮安徽亦有周天爵均可與各撫臣妥商防守臣未便稍事拘泥安徽巡撫蔣文慶奏本月十一十三等日疊著臬司張熙宇等稟

探得賊過老鼠峽督臣陸建瀛退駐彭澤距小孤山五里又於十三日據副將田大武稟陸路賊匪甚眾已抵湖北雙城驛離宿松界不過數十里伏思賊匪水陸兼進逼近皖界若長驅徑過則各該處所駐兵勇至多亦不過千餘名斷難阻遏見各省陸續到兵除添助小孤山駐防及撥赴宿松陸路堵守外省垣存兵按摺派人尚不敷用而所調浙江山東江蘇各省官兵尚有未到者二千餘名疊次迎提查不見至此時水陸堵截萬分喫緊陸建瀛既因賊氛近逼九江不能溯流直上而九江以下隘口惟小孤山為天生險要實江南數省咽喉若舍之守則過此以往由皖省直達金陵並無可守之險矣上諭內閣陸建瀛奏賊匪東竄總兵陣

亡自請治罪並以江甯緊要折回防剿各一摺賊匪自竄踞武昌後疊經降旨令陸建瀛馳赴九江會同張芾勦辦乃由水路前進

已覺遲緩及聞所派鎮將於上海接仗失事該大臣輒即退保江南毫無布置實屬大員委任陸建瀛著先行革職仍實成辦理地方軍務一面防守江南一面派兵援應安徽以觀後效向榮道賊見已馳抵九江著即分派將弁督帶精兵奮力追剿前經疊次降旨諭令琦善先飭陳金綬帶兵馳赴安徽扼要策應乃本日據蔣文慶奏報河南援兵尚未到皖陳金綬是否起程琦善何日前進迄今尚未據奏報江皖待援甚急該大臣豈竟置若罔聞耶琦善著先行革去都統銜以示懲儆見在賊匪東竄密邇九江陸路賊匪距宿松甚近若不痛加剿洗則蔓延幾不可問陳金綬著即選帶將弁精兵星馳赴皖琦善亦著督兵前進為陳金綬接應仍隨時知照向榮等於大江兩岸互為犄角分路夾攻勿任賊匪順流直下備該大臣等仍前玩視致江皖或有疎虞朕惟知執法從事不能稍從寬典也懍之○諭軍機大臣等本日疊據陸建瀛奏賊匪東竄九江危險見擬折回江南兩摺又據蔣文慶奏安徽望援不至情勢緊急一摺披覽十分憤恨已明降諭旨將陸建瀛革職仍責令辦理地方事務以觀後效矣陸建瀛前赴九江由水路行走已覺遲緩乃抵潯十日毫無調度賊鋒南接一戰而潰以致總兵恩長陣亡束手無策藉口防堵江甯竟委江西安徽於不顧實屬大員委任本日僅予薄懲令其戴罪自贖因思恩長既經殉難尚有劉長清營帶兵勇船礮此時駐紮何處所帶馬礮有無遺失前調之楊冠春周龍方翔等何以不能接應張帑以寡制兵力駐守九江現在情形若何摺內均未敘及至周天爵幫辦安徽防堵尚未奏報起程且並無管帶之兵向榮派赴九江之兵未知何時趕到而陸建瀛亦未與向榮面晤何以輒稱安徽有周天爵九江有向榮恃為無憂以便其抽身之計耶江南省城誠為重地該大臣既知折回與將軍巡撫等極力保衛豈九江安徽非陸建瀛轄之境設有疏失罪尚可追耶該逆既已水陸並下安徽最為危險必當先其所急茲又嚴催陳金綬即帶兵飛速前往安徽救援著向榮陸建瀛竭力設法要截小孤山等險隘此處不守縱賊直下即陸建瀛欲以重營之兵四百名捍衛江甯庸有濟乎惟有扼險堅守與向榮合力夾擊俾賊匪不得疾駛而東一面嚴防安徽與蔣文慶激勵紳民安籌固守並著飛咨周天爵促令迅赴安徽協同防堵周天爵如有素所練習壯勇可資捍禦者並即帶往酌量派撥應用田大武防守宿松應行添調之兵如何酌量調撥未到安徽之浙江山東江蘇官兵如何催令趕到著即相機布置至江南籌備防堵節經諭令祥厚楊文定等遵照前旨妥速籌商其揚子江京口警信深恐人民張皇無措且賊勢剽急尤須偵探確實以備不虞仍著祥厚陸建瀛楊文定等遵照前旨妥速籌商其揚子江京口一帶南北咽喉關繫甚重萬不可令匪蹤闖入著楊殿邦等遵照前旨察看形勢即行籌辦朕日夕南望焦慮不能稍釋張帑何以並無奏報更探懸繫著即迅速查奏將此由六百里加緊各諭令知之○諭本日據陸建瀛奏賊竄九江退回江甯防守並蔣文慶奏皖省危急援兵不至各摺已將陸建瀛革職並催各路官兵飛速赴矣賊匪未經竄出武昌朕早料其東下長江安徽緊急疊經降旨著該大臣先令陳金綬迅帶精兵馳赴安徽迎剿該提督素性勇往何至屢奉諭旨遲延不進乃兼旬以來並未報帶兵起程日期見在到豫官兵數已不少何不可酌量抽撥催令帶往乃竟置若罔聞坐觀鄰省危急不救是何居心已明降諭旨將琦善

革去都統銜以示薄懲本日復諭令陳金綬自行選帶官兵星馳前往安徽應援琦善仍著遵旨兼程前進爲陳金綬處今賊勢已全服東下豫省情形與前不同豈可以有之兵置之無用之地儼以未利齊爲詞不卽赴援或稍有掣肘俾陳金綬不能趕緊啓行致安徽復有疏失朕必將琦善在軍前正法斷不饒恕如能出奇制勝力挫賊鋒保全下游大局朕仍望琦善努力成功爲朕分憂也將此由六百里加緊諭令知之○諭前因賊匪勢將東竄下游噸重朕以陳金綬久歷戎行屢次諭令督帶精兵迅赴安徽一帶迎剿該提督疊奉嚴旨自應趕緊啓程何以遲之又久未據奏報豈因琦善以兵未到齊爲詞致令遲延不進耶現在賊匪業已東下據蔣文慶奏亟望該提督帶兵赴援陳金綬係朕特命幫辦軍務所有豫省調到之兵卽著擇其精銳者自選數千並選帶得力將弁星速馳往安徽扼要接應該提督軍營必須文員襄辦一切事宜卽著勝保同往安徽並將啓程日期迅速奏報陳金綬與向榮皆昔日楊遇春部下將弁軍情綏急自必熟諳今爲朕禦此巨寇長江兩岸安徽江甯兩省安危所繫汝兩人聲勢聯絡相機進攻若能出奇制勝保衛江東庶不負朕委任倚重之至意也勉之將此由六百里加緊諭知陳金綬並諭勝保知之○予江西陣亡總兵官恩長提督銜祭葬世職如提督例諡武壯○乙丑向榮奏於正月初三日收復武昌卽督兵跟剿於初四日晚追至葛店趕上賊船開砲擊沈二隻並拋擲火彈立燒近岸賊船三隻餘船均順流下竄當令各營挑選奮勇兵壯共得二千四百餘名不帶鍋帳臣親率總兵和春奏定三李瑞玉山及革員福興等管帶晝夜疾追欲鈔往九江截賊東下之路途聞撫臣由九江移至瑞昌縣防堵臣卽於初八日戌刻趕至瑞昌已繞過逆匪之前因會匪張帶云下游巢湖紫兵二千三百餘名北岸老鼠峽亦紫兵千六百餘名陸建瀛帶兵二千餘名並卽船紮離下巢湖三十里之龍坪堵截可以遏其下竄等語臣訪查下巢湖一帶防禦實未得法深慮賊至貽誤事機必得親往布置與陸建瀛會商酌辦卽於初九日五鼓帶同兵勇繞道往下巢湖至午刻約離十餘里卽據報探賊船已過下巢湖該處防守官兵均經潰散大礮火具盡已資敵陸建瀛亦折回九江現在賊船既駛過下巢湖離九江僅百里順流直下瞬息可到情形十分危急復折回瑞昌派總兵和春等帶隊星夜趕往連日大雨軍士冒雨前進備極艱苦旋聞賊船已至蘆家集一帶離九江僅三十里城內百姓搬徙一空防城器具一無所備止大礮火藥極多無兵防守陸建瀛已由九江折回下游一帶不知泊於何處聲息不通情形至此萬分焦灼急欲趕救九江城池催兵直至官牌峽詎料賊船亦於十一日早先到十餘隻駛至九江河岸經各鎮將迎前轟擊打壞賊船七隻該逆不能抵禦馳往北岸灣泊時大隊賊船千餘連檣而至兵勇聞砲轟擊該逆一面拒敵一面分十餘處攏岸灣泊約五六千人紛紛前來臣指揮官兵分路極力衝殺從辰至午斃賊不少兵勇亦有陣亡受傷該逆又將近城小河浮橋砍斷以阻我兵進路見在賊至九江我兵須渡過北岸始可直達安慶若仍從大江南岸追躡既恐繞道太遠又小河極多並有鄱陽湖之隔該逆壓江而下尤爲迅捷我兵步行疲於奔命勢難趕上若能多覓船隻順流追擊庶可得手臣昨已札飭興國州趕辦船隻又飛咨張帶趕緊覓星夜放下以備追剿惟我兵到此無路繞往賊前